

Tage geschicht/ vnd dieselben Tage haben die Græci Criticos genant/ von welchen die erfahrenen Erste Galenus in 3. de diebus Criticis gesagt hat/ das des Monats Lauff in diesem mehr/ da die Geschicklichkeit oder Ungeschicklichkeit der Materien wircke/ dergleichen sagt auch Avicenna Secunda Quarti Tractatu secundi, cap. 2. das man die kurzen Kranckheitē/ welche wir Acutos nennen/ nach des Monden/ vñ die langen Kranckheiten nach der Sonnen Lauff vrtheilen/ welches/ wie Ptolemæus in der 60. proposition des Centiloquij anzeigt/ ein jeder Gelerter rechten Grundt haben kan/ vnd sonderlich so das Comment Hali recht besehen wirdt/ alsdann wird man wol befinden vnd mercken/ was diese Astronomische Kunst bey den Ersten für nutz schaffen vñnd aufrichten möchte/ wenn mans sonst vben vñnd brauchen wolte: Ich wil dich aber kürzlich lehrē/ wie man solche Tage recht auß dem Astrolabio finden sol/ dadurch dem Medico vnd Patienten grosser Nutz erfolgen kann.

Ptolemæus.

Nota.

Nota.

Erstlich laß dir den Krancken außs genaweste Bericht geben/ in welcher Zeit vnd Stunde er die Kranckheit scheinbarlich am ersten empfunden habe/ vñ darnach suche auß dieselbige Zeit dē rechten wahren gradt des Monden/ so es anders ein kurze Kranckheit ist/ die man Morbum acutum nennet/ darnach so rücke das Rete vmb als lang bis der grad des Thierkreisses/ darin der Mond ist/ eben auß der Mittagslini/ oberhalb dem Mittelpunct des Astrolabij liege gegen Mittage/ oder gegen der 12. Stunde werts/ dann dieselbige linea ist die linea des anfangs der Kranckheit/ vñ so das Rete also vñuerruckt stille ligt/ so mercke eben einē jeden Grad des Thierkreisses/ die dir alle 16. Linien/ das ist/ die lineas dierum Criticorum berühren/ vnd hebe an der nechsten lini von Mittage gegen Auffgang werts an/ vñ gehe also herumb/ durch den Auffgang/ Mitternacht vnd Untergange/ bis wider in Mittage/ als zum Exempel/ die Mittagslini ist die erste/ die ander gehet von dem Limbo von halbweg 11. Uhr abe ins mittel Centrum, die dritte lini von dem 45. grad/ das ist just von der 9. Stund Vormittag auch ins mittel Centrum, die vierde lini gehet von halbweg 8. Uhr abe/ auch außs mittel Centrum, die 5. lini ist die lini/ welche von der 6. Stunde abgeheth zum Niedergange/ bis wider auß die 6. Stunde daselbst/ vnd so fort herum/ 2c. Auß welche Orter im Limbo du allemahl die kleine Regel ziehen kanst/ vnd in acht nemen/ was die Regel daselbst in dem Thierkreis im Rete für einen grad antrifft/ vnd was für Sterne negst dabey stehen/ vnd dieselbigen mercken.

Demonstratio.

Darnach so du nun die grad des Thierkreis also gemercket hast/ so gehe aber herum/ vnd schawē/ zu welcher Zeit der Mond mit einem rechten Grad auß die erste Linea (so du von der Mittags Linea gegen Auffgang zehlest) falle/ welche auß dem Mittelpunct just auß halbwege 11. Uhr zugehet/ 2c. Vnd dieselbe Linea bedeut dir den Tag/ so die Erste intercadentem, das ist/ den zwischenfallenden nennen/ darnach schawē weiters/ wann der Mondt mit seinem wahren grad auß die andere Linea komme/ welche vom Mittel Centro just auß die 9. Stunde Vormittag felt/ welches gemeinlich am 4. Tage geschicht/ vnd denselben Tag heissen die Erste Indicativam se-

Dies intercadens.

ptimæ,